

Ad repentinam mortem aver-  
tendam.

O R A T I O I.

O Misericordissime Domine JESU, per lacrymas tuas, per agoniam, & sanguineum sudorem tuum, per mortem tuam rogo te, à subitanea, & improvisa morte libera me.

O R A T I O II.

O Benignissime Domine JESU, per acerbissimam, & ignominiosissimam flagellationem tuam, per crucem & passionem tuam amarissimam, per omnem bonitatem tuam, humillimè te deprecor, ne permittas me sine Sacramentis morte repentinâ ex hac vita migrare.

O R A T I O III.

O Mi amantissime JESU, ô Dominus meus, & DEUS meus, per omnes labores ac dolores tuos, per pretiosum sanguinem tuum, per Sacrosancta vulnera tua, per illas tuas, ô mi dulcissime JESU, supremas in cruce voces, *DEUS meus, DEUS meus, ut quid de reliquisti me*: per validum illum clamorem tuum: *Pater in manus tuas commendo spiritum suum*, ardentissime te rogo, ne subito hinc tollas me. Manus tuæ, ô mi Redemptor, fecerunt me & plasmaverunt me totum in circuitu; ne  
qua-